

ԲԱՆԱՍԻՐԱԿԱՆ

Քերթուածն Շաթոպրիանի, յորջորջեալ Մարտիրոսը կամ վկայք, մի է 'ի գեղեցկագոյն երկասիրութեանց նորա և 'ի հրաշակերտ մատենից գաղղիական դպրութեան: Չի են 'ի նմա խիտ առ խիտ նկարագիրը վսեմք, և դրուագք մի քան զմի գեղեցիկք զանազանեալք և աննմանք, յորս առաւելապէս փայլէ հանճար քերթողին: Առ 'ի ճաշակ իմն բանասիրաց զքերթուածոյս՝ դիցուք աստ զնկարագիր ճակատամարտի փըրանկաց ընդ Հռովմայեցիս, թարգմանեալ 'ի գաղղիական բնագրէն 'ի ձեռն Հոգոցեան Պ. Վիլէնի, աշակերտի Մուրատեան վարժարանին որ 'ի Փարիզ, 'ի չորրորդ ամի աշակերտութեան իւրոյ:

Ի գանգրաձև ծայրից ոսկեհուռ ամպոց զերծեալ արփին օրարեր՝ սփռէ զլոյս իւր ընդ մայրիս վաղ ընդ փոյթ ընդ Ովկիան և ընդ վաշտս ճակատուն: Թուէր իմն բոցավառեալ երկիր 'ի հրացայտ սաղաւարտից և տիգաց. նուագարանք պատերազմի հնչէին զնախնին նուագ հարեալ երբեմն 'ի խաղալ Յուլիոսի կեսարու յաշխարհն կելտաց. զամենեցուն գրաւէ զսիրտս զայրոյթ, աչք արիւննուշտք, և ձեռք 'ի սուսերս ըս պառնալիցք ընթանան: Ընդվզի ձիանն, դափր հատանէ, տատանէ զբաշ, և փրփրերախ բերանով ծեծէ զլանջան բորբոքեալս, կամ զբոցաշունչ ոնգունսն 'ի վեր ամբառնայ շնչել զգործեաց մարտամբոխ շառաչ:

Հռովմայեցիք առնուն զերգ Պրորոսի. եթէ հազարս, 'ի փրանկաց արկցուք դիտապաստ, քանի՞ն բիւրուցչիւնիցիմք յաղթականք Արեաց:

Հելլէնք կրկնեն պարակիցք զՊէան, և կելտք զօրհնութիւն Դրուիդաց: Փըրանկք պատասխանեն մահագոյծ երգոցն, և զասպարս զշրթամբք տծեալ՝ մունչիւն իմն լսելի առնեն հանգոյն կռծելոց ալեաց զորս խորտակէ մըրիկ ընդ ժայռ: Եւ ապա յանկարծ հարեալ ուժ-

գին աղաղակ, հնչեցուցանեն նուագս 'ի գով դիւցազանցն իւրեանց:

«Փարամոնդ, փարամոնդ, մարտեաք սուսերաւ:

«Արձակեցաք զվաղը երկսայրի, և քիրտն հոսեալ ընդ ճակատ գոռ զօրականին՝ ընդ բազուկսն 'ի վայր առուիւ ընթանայր: Արծուիք և թռչունք դեղնամագիլ խայտայլին 'ի ճիչ ցնծութեան. ագռաւ ընդ ճապաղիս արեան սպանեւ լոցն լողայր. Ովկիան ներկանէր յարիւն, և կուսանք յերկարեցին 'ի լալօնս:

«Փարամոնդ, փարամոնդ, մարտեաք սուսերաւ:

«Հարք մեր անկան 'ի մարտի. հեծեցին անգեղք 'ի վերայ նոցա. հարք մեր յագեցուցանէին զնոսա 'ի նախճիրս թշնամեաց. ընտրեսցուք մեզ 'ի հարսունս, որոց փոխանակ կաթին իցէ արիւն՝ լնուլ արութեամբ զսիրտ որդւոց մերոց:

«Փարամոնդ, աւարտ երգոյս ժամանեալ, ժամք կենացս անցանեն, զուարթագին դիմեմք 'ի մահ:

Այսպէս նուագէին բիւրք չորք բարբարոսաց, և հեծեալք նոցա ելեւ ըստ երգոցն առնէին սպիտակափայլ ասպարացն իւրեանց. և 'ի ծայրայանգս կցուրդիցն նիգակ ընդ լանջս երկաթապատս շկահէին:

Մերձ հասեալ կային փրանկք իբրև նետընկէց մի թեթևագէն վաշտուց մերոց, զտեղի առին բանակքն երկողին. եղև լռութիւն խորին: Հրամայէ ինքնա կալն 'ի միջոյ քրիստոսախումբ լեգէոնին 'ի վեր ամբառնալ զվերտն ծիրանափայլ 'ի նշան մարտին. լարեն աղեղնաւորք զաղեղունս իւրեանց, հետևակք խոնարհեն զնիգակս, և հեծեալք մերկանան միանգամայն զսուսերս, ցուք 'ի նոցունց ընդ օդս փայլատակեն: Աղաղակ 'ի խորոց անտի լեգէոնախումբ բանակին լինի լսելի՝ Յաղթութիւն կայսեր: Բարբարոսք յետս ընդդէմ մղեն զաղաղակն ահագին գոյմամբ: Ոչ այնքան սաստիկ 'ի գազաթունս Ապենեաց, որոտընդոստ ճայթեն շանթիք ոչ Ետնա

այնպէս զայրագին սպառնայ 'ի հոսել 'ի ծով զհեղեղսն բոցեղէնս, և ոչ Ով կիսն այնպէս ուժգին զափունս բաղխէ յիջանել աստուածասաստ ամպրոպաց բանալ զսահանս անդնդոց: Կելտք նա խաձեռն զաշտէս ընդդէմ փրանկաց արձակեալ, սուսերամերկ 'ի թշնամիս անդր յարձակին: Անսասան արիութեամբ զիմագրաւեն նոցա փրանկք. երիցս դառնան նոքա 'ի յարձակումն, և երիցս բաղխեալ յետս ընդդէմ մղին 'ի բազմաձեռն ճամբարէն: Այսպէս նաւ վիթխարի երերածուփ 'ի ներհակ հողմոց յետս երկուստեք վանէ զկոհակս ալեաց՝ որ խուսեն մոնշմամբ առ կողիւք նորին: Ոչինչ ընդհատ արիասիրտ Հելլէնք, և աջողագոյնք քան զԿելտս, տեղատարափս նետից 'ի վերայ Սիկամբրաց թօթափեն: Իսկ մեք առանց ըզուապմն մեր խրամատելոյ, տակաւ վերջոտնեալ, ճգնէաք զերկոտին կողմանս եռանկեան թշնամեաց. որպէս ցուլ 'ի բիւր մարմանդս յաղթական, 'ի ծայրաբեկ եղջերան և 'ի սպիս լայնատարր լանջացն սիգապանծ, ոչ ունի ժոյժ խայթուածոց բոռոց 'ի տապախառն միջօրէի, այսպէս և փրանկք հարուածեալք 'ի սլաքաց նետիցս մերոց՝ մոլեղնին ընդ վերսն անփառունակս, զորոց չկարեն հանել զվրէժ. և առ զայրոյթ պաշացու խորտակեն զնետս 'ի լանջս իւրեանց, և յերկիր թաւալեալ գելուն առ կսկիծ ցաւոցն:

Հեծելազօրն հռովմէական խաղայ վանել զբարբարոսս. Կլոտիոն խոյանայ ընդդէմ նոցա: Արքայն թաւազէս հեծեալ էր 'ի մատակ ստերջ 'ի սեւա կիսովի և 'ի սպիտակ, բուծեալ 'ի հօտս եղջերուաց և այծեմանց, յերամակս փարամոնդի: . . . Մարտ սաստիկ յուզէր հեծելոց 'ի կրկին թեւ բանակաց:

Յայնմ վայրի բարբարոսացն հրոսակ ահագին զայր և խուժէր 'ի վերայ լեզէոնացն: Փեռեկին լեզէոնք, փոխեն զուզմ ճակատուն, և 'ի հարուածս մեծամեծս նիզակաց հարկանեն զերկոտին կողմանս եռանկեան թշնամոյն. մեկնակողէնք Կելտք և Հելլէնք դիմեն

յերրորդ կողմն. կան փրանկք շրջափակեալ որպէս ամուր մեծատարած: Զայրանայ կռիւ մարտին, և մրրկեալ փոշի շառագոյն ամբառնայ կայ 'ի մէջ երկուց ճակատուց: Գնան արեան ճապաղիք որպէս 'ի տարափից ձմերայնոյ հեղեղ սաստկացեալ, որպէս ալիք Եւրիպեան 'ի կիրճն Եւբիոյ. փրանկն սէգ ընդ լայնաբաց վէրս իւր, որ չքեղագոյն 'ի սպիտակ կիսամերկ մարմնի երևէին, թուէր ուրու գերծ 'ի շիրմէ առիւծաբար 'ի մէջ դիականց մոնշելով: Փայլման զինուց զհետ զայր փոշի տխրերանգ և տխուր նախճիր: Բեկտին սաղաւարտք, ցցունք 'ի հող խոնարհեալ, խորտակին վահանք, ծակոտին զրահք: Շունչ հրաբորբոք տասանց բիւրուց զօրականաց, և թանձրախիտ երիվարացն փոնջին, գոլորշի քրտանց և արեան, գործէին 'ի մարտին տեղւոյ երևոյթ իմն օգեղէն՝ հերձեալ երբէք երբէք 'ի փայլուն սուսեաց, որպէս ալօտ մրրիկ 'ի շողիւն փայլական: Ի խառնաձայն աղաղակի անդ թշնամանաց և սպառնալեաց, 'ի չկահիւն սայրասուր սուսերաց և աշտէից, 'ի սոյլ նետից և սլաքաց, և 'ի ճոնջիւն մարտացու մեքենայից ոչ ևս լսէին ձայնք զօրավորաց:

Մերովեայ նախճիր մեծ 'ի Հռովմայեցիս գործեալ, կանգուն կայր 'ի սոյլ ահագին երկոտասան զինակցօք, որկոչէին ղոյգոստատք նորին, և ինքն ուսով չափ 'ի վեր էր քան զնոսա: Ի ծագ կառացն ծածանէր ընդ օդս դրօշ պատերազմիկ անուանեալ ոսկէվառ: Սայլն ակաղձեալ 'ի կողոպուտ ամբառ ձգէր յերից ցլուց, որոց ծունկք արիւնաթաթաւք, և եղջերք բերէին յօշուածս դիականց 'ի սոսկումն աչաց: Ժառանգաւոր սուսերին փարամոնդի հասակակից էր և զուգագեղեցիկ և կատաղութեամբն իսկ հանգէտ դիւին թրակիոյ, որ 'ի բոց քաղաքաց հրկիզելոց լուցանէ զհուր բագնացն իւրոց: . . . Մերովէ յագեալ կոտորածիւ, կայր արձանացեալ, հայեր 'ի բարձուէ յաղթական կառացն իւրոց 'ի դիակունա՝ որովք ծածկեալ էր զղաշտավայրն առ հասարակ: Այսպէս զադարէ առիւծ

նումիդեան գիշադէշ պատառեալ զհօտ խաշին . քաղց իւր կշտապինդ , և լանջք իւր ծխեն զհօտ կոտորածին . բա- նայ և փակէ զժանիս իւր խոնջա շա- ղեալ 'ի ծուէնս գեղման : Ընկողմանի նա 'ի մէջ գառանցն խողխողելոց . բաշք նորա տամուկք 'ի ցօղոյ արեան անկանին երկուստեք զպարանոցաւ նո- րա . զթաթուլս իւր հուժկուս զմի- մեամբք ածեալ , զգլուխ իւր 'ի վերայ ճիրանացն հանդուցեալ , աչք իւր թե- րաբացք , լիզու տակաւին զգեղմն փա- փուկ տարածեալ զիւրե :

Զօրավարն կեկտաց տեսեալ զՄերո- վէ գոռոզ և թշնամանալից զկայ ա- ռեալ , վառի 'ի զայրոյթ , հուպ մատչի փարամոնդեան զաւակին , ձայն տայ հեգնելով .

— Գիսակազեղդ զօրագլուխ , այլազգ բաղմեցուցից ես գրեկ 'ի գահ կեկտեանն Հերակլի , արժանաւոր ես արի պատա- նիդ տանելոյ զնշանակ սուսերիս յա- պարանս անդր Տեւտատեայ . չեն ինձ կամք թողուլ քեզ տառապիլ 'ի վատ ծերութեան :

— Պատասխանի ետ Մերովէ 'ի ժպիտ երգիծական . Էւ ո՞ իցես դու . 'ի հոյա- կապ 'ի վաղեմի ազգատոհմէ : Ստրուկդ Հռովմայեցի , չերկնչիս 'ի վաղակաւորէ աստի իմմէ :

Իսկ կեկտն մոնչելով առ կատաղու- թեան ասէ . Ոչ յայլմէ իմեքէ երկիւղ է ինձ , բայց յանկանելոյ երկնից 'ի գը- լուխ իմ :

— Էւ Սիկամբրացին գոչէ խրոխտա- նօք . Թող ինձ զերկիրդ :

— Կեկտն պատասխանէ . Զերկիր զոր քեզ տաց՝ կալցիս յաւիտեան : Յայն- ժամ Մերովէ յեց 'ի վաղակաւորն իւր՝ վաղէ 'ի կառաց զցլովքն , և հանդէպ՝ ճակատուց նոցա 'ի վայր ոստուցեալ յանդիման լինի կեկտին , որ զիմեալ դայր առ նա : Բանակն համօրէն դադա- րէ 'ի տեսիլ մենամարտի երկոցունց պետացն : Կեկտն սուսերամերկ խոյանայ 'ի փրանկ պատանին , 'ի նեղ զնա ար- կանէ , վիրաւորէ զնա 'ի յուս , և ընկրը կէ զոտխն մինչև ցեղջերս ցլուցն : Իսկ

Մերովէ ձգէ զգեղարդն , որ երկոքումբ կոր ճանկօքն մխեալ մնայ յասպար կեկ- տացուոյն : Անդէն զաւակն կլոտիոնեան ոստնու առիւծաբար , դնէ զոտն 'ի վե- րայ դեղարդանն , մղէ 'ի վայր ուժգնա- կի , և զոյգ ընդ նմին յերկիր խոնարհե- ցուցանէ զասպար ոստխն : Կեկտն վատ- շուէր անպատասպար ցուցանէ զգլուխ իւր . և ահա սակր փրանկին շկահեալ խոյանայ մխի 'ի ճակատ նորա որպէս տապար մայրևորի 'ի գազաթն շոճուոյ : Հերձու կառափն մարտկին , ցայտեն խեղք նորա երկուստեք . աչք նորա թա- ւալին յերկիր , և մարմին նորա կայ մնայ առ վայր մի արձանացեալ , զբա- զուկսն 'ի ցնցմանէ ջլացն ձգտեալ . տե- սիլ սոսկալի և աղիւղորմ :

Կական առ ցաւոց բարձին կեկտք ընդ այն , զի վերջին 'ի սերնդոց վերկինդե- տորիքսի էր զօրավարն , որ ընդ այնքան ժամանակս խափան եկաց յաղթու- թեանն կեսարու : Թուէր իմն մահուամբ նորա անցանել 'ի փրանկս կեկտացն պետութեան խուսափելոյ 'ի Հռովմայե- ցուոյ : Յայնժամ խնդալիցք պար առ- նուն զՄերովեալ փրանկք , և բարձեալ զնա 'ի վահանի թագաւոր իւրեանց կարդան զնա հանդերձ հարբք նորա , զի քաջագոյն 'ի Սիկամբրացիս էր նա : Ահ և երկիւղ պատեն զլեզէոնս . Կոստանդ՝ որ 'ի միջավայրի օժանդակ զնդին կա- ցեալ դիտէր զշարժմունս բանակին , տեսանէ զվհատութիւն իւրոցն , դառ- նայ առ լեզէոնն քրիստոնէից և ասէ՝ «Մարտիկք առաքինիք , բաղդն Հռով- մայ 'ի ձեռս ձեր է , խաղասցուք 'ի թըշ- նամին » :

Անդէն հաւատացեալք խոնարհեցու- ցանեն առաջի կեսարու զարծուիս իւ- րեանց , որոց հովանի էր նշան խաշին , և վիկտոր զօրավարէրնոցին : Շարժի լե- զէոնն , իջանէ լուին 'ի բլրոյ անտի : Յա- պար իւրաքանչիւր զինուորի դրուա- ղեալ կայր նշանն սուրբ , և շուրջ զնո- վաւ՝ Այսու յաղթեացես : Հարիւրա- պետք առհասարակ էին վկայք լի սպեօք հրոյ և սրոյ . և զլինչ զօրէր արանց այս- պիսեաց երկիւղ վիրաց և մահու . ո՞վ

հաւատարմութիւն խանդաղատելի . դիմէին հեղու վասն տեարց իւրեանց զմնացուածն արեան՝ զորոյ գողցես ցաւ մաքեցուցեալ էր նոցա զաղբերակն : Ոչ երկիւղ ինչ , այլ և ոչ խնդութիւն 'ի դէմն քաջազանցն քրիստոնէից եւրեւր . արութիւն նոցա անվրդով զամբիծ շուշանաց բերէր զնմանութիւն : Ի խաղալ լեզէոնին 'ի դաշտավայրն զկայառին փրանկը յընթացս յաղթանակին իւրեանց : Ասէին երեւալ յառաջոյ լեզէոնին սիւն իմն հրեղէն ամպոյ . և հեծեալ սպիտակահանդերձ վառեալ 'ի տէգ և յասպար ոսկի : Դառնան յետս Հռովմայեցիք փախստեայք , ծագէ նշոյլ յուսոյ 'ի սիրտ տկարագունին և սրտաբեկելոյ . որպէս յետ մրրկալից գիշերոյ 'ի ծագել արեգական ընդ առաջօտն՝ հրաշանայ մշակն յապահովեալ 'ի տեսիլ աստեղն , որ գեղայօրէն լուսազարդէ զհամագոյս : Ընդ բաղեղամբ հնոյ տաղաւարին ճճուէ ճնճղուկ զուարթադին , և 'ի վերայ սեմոց դրանն բազմի ծերունին . լսէ զքաղցրաձայն դայլալիկս նորա 'ի վերուստ , և օրհնէ վարարիչն :

Ի մերձենալ քրիստոսական գնդին , սեղմեն բարբարոսը զուզմն իւրեանց . և գումարի կաց մնաց հռովմէական զօրուն : Հասեալ 'ի տեղի ճակատուն զկայառնու լեզէոնն , ծունր դնէ 'ի գետին , ընդունի 'ի ձեռաց քահանայի զօրհնութիւն Տեառն զօրութեանց . և կոստանդինքնին խոնարհի , 'ի բաց առեալ 'ի գլխոյ իւրմէ զպսակն սարդենի : Յառնէ գունդն սուրբ . և առանց նետածիգ լինելոյ՝ խաղայ սուսերամերկ 'ի թշնամիս : Սկիզբն լինի մարտին ամենայն ուրեք . խրամատէ քրիստոսականն լեզէոն խրամատ մեծ 'ի ճակատ բարբարոսաց . Հռովմայեցիք , Յոյնք և Կելտք մտանեմք միանգամայն զհետ վիկտորի 'ի պատնէշ փրանկացն պարտելոյ : Զյետ յարձակման մարզիկ զօրաց՝ յաջորդէ մարտ զօրէն դիւցազանցն ի լիոնի . գունդք ընդ գունդս բաղխին յոգնախումբ մարտկաց , խուճապեն , վանեն զիրեարս . աղէտք ամենայն ուրեք յուսահատութիւն և փախուստ : Օրիորդք

փրանկք , 'ի զուրկազմէք դուք սպեղանի վիրաց անբժշկելեաց . ոմն կարեմէր 'ի սիրտ 'ի տէգ գեղարդեան , և խոյս 'ի սրտէ նորա տան սուրբ և սիրելի պատկերք հայրենեաց . այլ ոք ջաղջախեալ 'ի հարուած լախտի երկղորումք բազկօք , ոչ ևս կարասցէ զդիեցիկն 'ի գիրկս հարսին գգուել զիւր մանկիկ : Ոմն զապարանս իւր և այլ ոք ողբայ զիւրն տաղաւար . նա զհրճուանս իւր և սա զվիշտս . զի և վիշտք և վայեքք սիրելի մարդոյ զկեանս զործեն : Աստ զօրական հեթանոս , պարառեալ 'ի զինուորակցաց , նզովելով զկեսար և զգիս , փչէ զոգին . այլուր զինուոր քրիստոնեայ մեռանի անոր , միով ձեռամբ զաղխն 'ի գող իւր ժողովեալ և միւսոջն զխաչ ողջագուրեալ , աղօթելով վասն կայսեր առ Աստուած : Սիկամբրացիք առհասարակ 'ի հանդիպոյ վիրաւորք և յորսայս անկեալ , և 'ի մահուն իսկ էին ահագնատեսիք , մինչև արիագունից ևս չիշխել հայել 'ի նոսա :

Եւ իբր մոռացայց զձեզ ամուրք վեհազինք , փրանկ պատանիք , որոց հանդիպեցայ 'ի տեղւոյ անդկոտորածի մարտին : Բարեկամք հաւատարիմք , կաթողինք քան խոհեմք , առ 'ի կրել զնոյն 'ի մարտի անդ ճակատագիր , շղթայակիցք ընդ միմեանս էին կապեալ կամակար : Ի կրետացւոյ ումեմնէ մին յերկոցունց անկեալ նետահար , իսկ միւսն 'ի մահ վիրաւոր՝ այլ տակաւին կենդանի , կիսայար առ դիակամք զինուորակցին՝ աւսէ ցնա . Նահատակդ ննջնս դու յետ վաստակոց ճակատամարտին . ոչ ևս բանայցես զաչս քո 'ի լուր ձայնիս . այլ կապանք մերոյ մոտերմութեան անլոյծք են և ունին զիս առ քեզ : Զայս ասացեալ պատանին փրանկ անկանի 'ի վերայ դիական սիրելոյն մեռեալ : Վարպէ նոցա գեղանիք խառնին յիրեարս իբրեւ զբոցս ծածանեալս կրկին եռոտանեաց չիջելոց 'ի բազնի , իբրեւ զտամուկ և ըզդողդոջ ճառագայթս երկուորեակ աստեղաց խոնարհելոց յալիս Ովկիանու : Յառել մահ զշղթայս իւր անխզելիս 'ի կապանսն , որ զօգէին 'ի մի զսիրելիսն զերկոսին :

Յայնմ՝ վայրի վաստակարեկ բազկաց տկարանային հարուածք, և աղմուկ աղաղակին հնչէր աղիողորմ և ողբազին. մերթ վիրաւորաց բազմաց 'ի միասին փշելով զոգիս՝ տիրէր լուծիւն զարհուրելի, և մերթ դարձեալ սաստկանայր ճիչ ցաւոց, և 'ի յերկարածիզ հեծուլիւնս յերկինս ամբառնայր: Անդ էր տեսանել երկվարս առանց հեծելոց՝ որք ընդոստ կամ թաւալզլոր գնային զգիւկամբք. և մենքենայք պատերազմիկը առտ անդ լքեալք բորբոքէին որպէս ջահք ամբաւից մեռելոցն յուղարկաւորութեան:

Եհաս գիշեր ծածկել խաւարաւ զտեսարան մարդկեղէն մոլեգնութեան: Փըրանկը և 'ի պարտութեան անդ ահարկութեմէն 'ի պատնէշս սայլից իւրեանց: Գիշերն այնքան կարևոր մեղ առ 'ի հանգիստ, եղև մեղ գիշեր արհաւրաց. ցանգ յերկիւղի էաք 'ի թշնամեացն յարձակմանէ: Աղաղակ բարբարոսաց բերէր զնմանութիւն գոչելոյ ամեհի գազանաց. ողբային նորա զնահատակսն կորուսեալս, և ինքեանք ևս 'ի մահ պատրաստէին. ոչ իշխեալ թուղուլ զգէնս մեր, և ոչ լուցանել խարոյկ: Մռնչէին զօրականք հռովմայեցիք, և 'ի խնդիր միմեանց չրջէին 'ի խաւարի. կոչէին յանուանէ զիրեարս, հայցէին 'ի միմեանց փոքր մի հաց, սակաւիկ մի ջուր. պատառէին զհանդերձս իւրեանց առ 'ի պատել զվէրս մարմնոցն. և գիշերապահք ձայն տային միմեանց ազդել տքնութիւն:

Զօրապետք կրետացւոց առհասարակ անկեալ էին 'ի ճակատուն. արիւն փխլագեմենեայ բարեգուշակ թուէր զինուորակցաց խմոց. զօրավար իւրեանց կարգային զիս. և իմ զճիզն թշնամեաց յանձն ձգեալ, յաջողեցաւ ինձ փրկել զլեզգէոնն երկաթի 'ի սպառնալու խորտակմանէ: Յաջողակի ելից յաղթութեանն մրցանակ՝ շնորհեցաւ ինձ հաստատութիւն աստիճանիս, և պսակ կաղնեայ և զրուատիք կոստանդեայ: Ի զլուս կացեալ թեթևագէն վաշտից, մատեայ 'ի ճամբար անդր ըստարո.

սաց, և մնայի անժոյժ այգուն լինելոյ. բայց այգն այն երաց մեզ տեսարանս առաւել զարհուրելի քան զորս տեսեալ էր մեր ցայն վայր: Զի փրանկաց հատեալ էր գիշերայն զգլուխս դիականց հռովմայեցւոց, և կանգնեալ վնոսա 'ի տէգ նիզակաց յանդիման բանակին իւրեանց, առ մեզ զգէմնն ունելով. և խարոյկ բոցածաւալ 'ի թամբից երկվարաց և յասպարաց խորտակելոց բարձրանայր 'ի միջավայրի բանակին: Ծերունին փարամոնդ յայսկոյս և յայն զաչս սպառնալիցս յածեցուցեալ, և զալիս իւր տուեալ հողմոց, բազմեալ կայր 'ի ծագ խարուկին. առ ստորոտոջն կային կլոտիոն և Մերովէ, փոխանակ ջահից տիգարունս երկուս խանձողեալս զնիզակաց խորտակելոց 'ի ձեռին ունելով, առ 'ի հուր հարկանել 'ի գահոյս դամբանականս հօր իւրեանց 'ի խրամատել հռովմայեցւոց զպատնէշ սայլիցն:

Կարկեալ կայաք առ ապշութեան և առ վշտի. յաղթականք թուէին պարտեալք առ այնքան խժոժութեան և մեծանձնութեան: Արտասուք յաչաց մերոց հոսէին 'ի տեսիլ արիւնաթաթաւ կառափանց զինուորակցացն մերոց. մէն մի 'ի մէնջ ընդ միտ ածէր՝ զիրեանքն այնորիկ համրացեալ և տոգունեալ զմտերմութեան բանս յերէկն բարբառէին: Կրիցս այսոցիկ վշտալեաց հուպ ընդ հուպ յաջորդէ ծարաւ վրէժ խնդրութեան. ոչ ևս մնան տալոյ նըշանին յարձակման. ոչ ինչ կարէ սանձահարել զմոլեգնութիւն զօրակաւնին. խորտակեն զսայլսն, պատառեն զբանակն, և 'ի ներքս խուժեն: Յայնժամ ընդառաջ լինի մեզ այլ թշնամի. կանայք բարբարոսաց սևազգեստք դիմեն առ մեզ, և խոցոտին 'ի զինուց մերոց՝ 'ի ճգնելն կորզել զայնս 'ի ձեռաց մերոց: Կէսք 'ի նոցանէ դարձուցանեն յետս զՍիկամերացիք փախստեաբուռն հարեալ զմօրուացն, խրախուսելով զնա վերստին 'ի մարտ. այլք իբրև դաստուածապարարկացն ջոկս գինէհարեալք գիշադէշ պատառեն զարս

իւրեանց և զհարս : Բազումք դարձեալ խեղդամահ արարեալ զորդիս իւրեանց արկանեն զնոսա առաթուր արանց և երիվարաց . և այլք խեղդ մահու արկեալ 'ի պարանոց' կապին յեղջերս եղանց , և 'ի քարշ արկեալ 'ի նոցանէ սատակամահ կորնչին : Իսկ ոմն 'ի նոցանէ , գոչէր 'ի միջոյ իւրոցն .

«Ո՛ր Հռովմայեցիք , ոչ ամենայն պարգեքդ ձեր եղեն մեզ աղետաբերք . յաժեշ մեզ զշղթայս գերութեան , ետուք մեզ և երկաթ ազատութեան : Եւ զայս ասացեալ չոգաւ զսրոջն զիւրովին :

Հասեալ իսկ էր վախճան ազգին փառամոնդի , եթէ երկինք ոչ զերծուցանէին զմնացորդս մարտկաց նորա , մեծամեծս թերեւ պատրաստեալ նմա առ յապայս : Այլ ահա հողմն ուժգին շնչեալ ընդ հիւսիս և ընդ արեմուտս . զիմեն կոհակք յաւազուտս . եռան անդունդք 'ի փրփրադէզ և 'ի պղտոր ալիս մրրկացն զուգորէից' որ 'ի նահանգս անդ թուին իմն մղել զՈվկիան համատարած անդր քան զաւազածիր սահմանս իւր : Որպէս հզօր նիզակակից բարբարոսաց մտանէ ծով 'ի բանակ փրանկաց վանել անտի զՀռովմայեցիս : Ընկրկին նոքա յերեսաց զօրութեան արեաց . փրանկք քաջալերին , և թուի իմն նոցա նհանգն ծովային , հայր իշխանին իւրեանց պատանւոյ՝ ելեալ 'ի կապուտակ քարանձաւէն՝ հասանել նոցա 'ի թիկունս : Նոքա յօգուտ 'ի կիր արկեալ զմեր շտապ տագնապի՝ ընկրկեն վանեն զմեզ օգնելով ալեաց : Տեսարան իմն անօրինակ յապուշ կրթէր զաչս ամենեցուն . զի եղինք զարհուրեալք գնային 'ի լիւզ զհետ ձգելով զսայլս . եղջիւրք ևեթ նոցա կամակորք յերեսս կոհակաց 'ի վեր երևէին՝ բերելով զնմանութիւն բազմութեան վտակաց՝ հարկատուաց Ովկիանու : Անդ Սալիացիք իջուցեալ 'ի ջուր զնաւս իւրեանց կաշեայս , հարկանէին զմեզ 'ի հարուածս թիոց և խառնեւեաց : Մերովեայ զասպար ոգորահիւս լայնատարր 'ի լատտ յօրինեալ , և ելեալ 'ի կոնքն պատերազմիկ՝ պնդէր զհետ մեր հանդերձ

ընկերօքն որք իբրեւ զՏրիտոնս կայտըռէին զնովաւ : Կանայք խօթամիտ խրնդութեամբ զուարճացեալք , ծափ զծափի հարկանէին , օրհնելով զալիսն ազատարարս : Ամենայն ուստեք կոծեն ալիք զայրացեալք և ցայտեն ընդդէմ զինուց , ամենայն ուրեք անդնդասոյզ ընկուղանին հեծեալք և հետևակք՝ սուսերաց ևեթ նոցա 'ի մկանունս ջուրց 'ի վեր ելեալ . և դիակունք , գոգցես իմն կենդանացեալք , թաւալին ընդ սէզ ընդ աւազ և ընդ սիկ :

Մեծ քնդանօթ մը .

Միացեալ նահանգաց հոկտեմբեր ամսոյն լրագրին մէջ կը կարդանք որ 'ի Ֆօրդ-Համիլդըն , Ռոտման անունով թնդանօթին հանդէսը կատարուեր է և կատարելապէս յաջողեր է : Բերնին բացուածքը քսան մատնաչափ . 50 լիտր վառօդով լի , և ումբ մը 1000 լիտր , կէս ժամ միայն տևեր է զայն լեցունելը : Ուղղութիւնը դէպ 'ի գետին ըլլալով ումբը քառորդ մղոն հեռու ջուրը ընկեր է , շատ անգամ որոտմունքներ տալով : Փորձը երկրորդելով՝ առջինին կրկինը լեցուցեր են , ումբը 1080 լիտր , որուն նման ինչուան հիմա չէ եղած . բաւական դիւրին միջոցներ չունենալով՝ ստիպուեր են շատ աշխատութեամբ պատրաստել , և թնդանօթին ուղղութիւնը 25° գետնէն բարձր բռնել , որ կրակ առած ահաւոր թնդիւն մը հանելով , գնտակը երեք ու կէս մղոն հեռու ձգեր է :

Ահաւասիկ աս է Ռոտման թնդանօթին չափը . ծանրութիւնը առանց սայլի 116497 լիտր . երկայնութիւնը 24 ոտք . բացուածքը 20 մատնաչափ , և սովորական վառօդին կշիւը 100 լիտր . ումբին միջին ծանրութիւնը 1000 լիտր :